



Broj: 12/08-27-6489-5/17
Zenica, 29.05.2017.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14) i Zapisnika o pregledu i ocjeni ponuda, broj: 12/08-27-6489-4/17 od 24.05.2017. godine, u konkurentskom zahtjevu za nabavku usluga broj: 1417-7-2-3-3-5/17 od 25.04.2017.godine, direktor Kantonalne direkcije za ceste Zeničko-dobojskog kantona, donosi:

ODLUKU

o izboru najpovoljnijeg ponuđača

I

U konkurentskom postupku javne nabavke usluga stručno-tehničkog nadzora na izvođenju radova zimskog i redovnog održavanja na dionicama regionalnih cesta za LOT 1 - R 467 Ribnica-Olovo-Han Pijesak (granica Federacije) ukupne dužine 56,1 km i R 468 Olovo-Sokolac (granica Federacije) ukupne dužine 9,0 km, ponuda ponuđača „**PLATO**” d.o.o. **Žepče** (broj: P-1-5/17 od 15.05.2017.godine) sa ponuđenom cijenom od 3.280,03 KM (bez PDV-a) izabrana je kao najpovoljnija.

II

Ponuđač „**PLATO**” d.o.o. **Žepče** (ID broj: 4218854280007), adresa Papratnica b.b., **Žepče**, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 2.4. tenderske dokumentacije i to u roku od 3 (tri) dana od dana zaprimanja Odluke o izboru najpovoljnijeg ponuđača.

Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz stava (1) ovog člana.

U skladu sa članom 98. stav (5) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će ugovor sa najpovoljnijim ponuđaču iz tačke I i II ove Odluke nakon isteka roka od 10 (deset) dana od dana kada su svi ponuđači obavješteni o izboru najpovoljnije ponude.

III

Ponuda ponuđača „**IBIS**“ d.o.o. Zavidovići se u skladu sa tačkom 13. tenderske dokumentacije i u skladu sa članom 68. stav (4) tačka g) Zakona o javnim nabavkama BiH („Službeni glasnik BiH“ broj: 39/14) odbacuje.

Ponuda ponuđača „**HS INŽENJERING**“ d.o.o. Sarajevo se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Ponuda ponuđača „**AIK INŽENJERING**“ d.o.o. Banovići se odbacuje iz razloga jer ponuđač nije preuzeo tendersku dokumentaciju objavljenu na informacionom sistemu „E-nabavke“, odnosno nije postupio u skladu sa članom 55. Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-27-6489/17 od 25.04.2017. godine. Javna nabavka provedena je po konkurentskom zahtjevu za nabavku usluga u skladu sa članom 87., 88., i 89.. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-7-2-3-3-5/17 objavljeno je na Portalu javnih nabavki 25.04.2017. godine.

Komisija za javne nabavke imenovana rješenjem broj: 12/08-27-6489-2/17 od 15.05.2017. godine,

ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za LOT 1 pristigle je ukupno 10 (deset) ponuda.

U postupku pregleda i ocjene pristiglih ponuda, Komisija je konstatovala da:

Ponuda ponuđača „IBIS“ d.o.o. Zavidovići dostavljena za LOT 1, odbacuje se iz razloga jer Ponuđač nije u ostavljenom roku do 22.05.2017. godine do 09:00 sati dostavio traženu saglasnost za ispravku računске greške u ponudi. U skladu sa članom 17. Uputstva za pripremu modela tenderske dokumentacije i ponuda („Službeni glasnik BiH“, broj: 90/14), Komisija je provjerila računsku ispravnost ponuda i utvrdila da:

- Ponuda ponuđača „IBIS“ d.o.o. Zavidovići dostavljena za LOT 1 sadrži grešku u računanju cijene u Obrazcu za cijenu ponude. Naime, pogrešno je utvrđen ukupan iznos koji se dobije množenjem jedinične cijene i količine ($993.948,69 \text{ KM} \times 0,011 \% = 109,33 \text{ KM}$ dok je u ponudi $993.648,69 \text{ KM} \times 0,011 \% = 10.933,44 \text{ KM}$), tako da:

- Cijena ponude pročitana na javnom otvaranju ponuda bez PDV-a iznosi (bez popusta): 10.933,44 KM;
- Cijena ponude utvrđena nakon računске kontrole bez PDV-a iznosi (bez popusta): 109,33 KM.

Za naprijed navedeno, Komisija je od ponuđača tražila da izvrši kontrolu finasijskog dijela ponude i da dostavi pismenu saglasnost za istu. Ponuđač nije u ostavljenom roku do 22.05.2016. godine do 09:00 sati dostavio traženu saglasnost. Zbog naprijed navedenog ponuda ponuđača „IBIS“ d.o.o. Zavidovići se u skladu sa tačkom 13. tenderske dokumentacije i u skladu sa članom 68. stav (4) tačka g) Zakona o javnim nabavkama BiH („Službeni glasnik BiH“ broj: 39/14) odbacuje.

Ponuda ponuđača „HS INŽENJERING“ d.o.o. Sarajevo dostavljena za LOT 1 odbacuje se iz razloga jer ponuda nije dostavljena u skladu sa tačkom 4.3. tenderske dokumentacije kojom je propisano da ponuda i njena kopija trebaju biti zapečaćene u jednoj neprovidnoj koverti. Naime ponuđač je dostavio ponudu i njenu kopiju u dvije zasebne kovertе.

Zbog navedenog ponuda ponuđača „HS INŽENJERING“ d.o.o. Sarajevo se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Ponuda ponuđača „AIK INŽENJERING“ d.o.o. Banovići dostavljena za LOT 1 odbacuje se iz razloga jer ponuđač nije preuzeo tendersku dokumentaciju objavljenu na informacionom sistemu „E-nabavke“, odnosno nije postupio u skladu sa članom 55. Zakona o javnim nabavkama BiH.

Naime, član 55. Zakona o javnim nabavkama BiH u stavu (1) propisuje moguće načine preuzimanja tenderske dokumentacije, i to:

- a) lično preuzimanje u prostorijama ugovornog organa;
- b) na pismeni zahtjev kandidata/ponuđača;
- c) zajedno s pozivom za dostavu ponuda;
- d) objavljivanjem tenderske dokumentacije na portalu javnih nabavki na što će ukazati u obavještenju o nabavci, u skladu s podzakonskim aktom koji donosi Agencija.

U skladu sa tačkom d) navedene odredbe Zakona, Uputstvo o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, br. 90/14 i 53/15), između ostalog, reguliše i pitanje objave i preuzimanja tenderske dokumentacije.

Iako je članom 9. stav (4) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, br. 90/14 i 53/15), izričito navedeno da ako ugovorni organ objavi tendersku dokumentaciju u sistemu „E-nabavke“, tenderska dokumentacija se ne može dostavljati na druge načine predviđene članom 55. stav (1) tač. a)-c) Zakona o javnim nabavkama BiH, ponuđač „AIK INŽENJERING“ d.o.o. Banovići je dana 12.05.2017. godine, putem faksa dostavio zahtjev za preuzimanje tenderske dokumentacije.

Napominjemo da je rok do kojeg se mogla preuzeti tenderska dokumentacije sa portala „E-nabavke“ 05.05.2017. godine.

Dakle, da bi učestvovao u postupku javne nabavke za koji je tenderska dokumentacija objavljena na Portalu javnih nabavki („E-nabavke“), nije dovoljno da ponuđač bude registrovan i aktiviran na Portalu javnih nabavki, nego mora i da direktno preuzme tendersku dokumentaciju za konkretni postupak. Zbog navedenog ponuda ponuđača „AIK INŽENJERING“ d.o.o. Banovići se odbacuje.

Dalje, u skladu sa tačkom 6. tenderske dokumentacije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

LOT 1

R/br	Ponudač	Ukupna cijena ponude bez PDV-a	Dati popust	Ukupna cijena ponude sa popustom bez PDV-a
1.	PLATO d.o.o. Žepče	3.280,03	-	3.280,03
2.	CONSTRUCT PROJEKT d.o.o. Zavidovići	5.695,32	-	5.695,32
3.	PRONASA d.o.o. Sarajevo	6.848,31	-	6.848,31
4.	IPSA INSTITUT d.o.o. Sarajevo	7.683,22	-	7.683,22
5.	KUDUM INŽENJERING d.o.o. Banovići	9.919,61	-	9.919,61
6.	TING d.o.o. Žepče	10.525,92	-	10.525,92
7.	Javno preduzeće za prostorno planiranje i uređenje grada Zenica d.o.o. Zenica	11.430,41	-	11.430,41

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača „PLATO” d.o.o. Žepče. Ugovorni organ prihvatio je preporuku Komisije za javne nabavke da se najpovoljnijem ponuđaču dodijeli ugovor o usluzi stručno-tehničkog nadzora na izvođenju radova zimskog i redovnog održavanja na dionicama regionalnih cesta za LOT 1 - R 467 Ribnica-Olovo-Han Pijesak (granica Federacije) ukupne dužine 56,1 km i R 468 Olovo-Sokolac (granica Federacije) ukupne dužine 9,0 km.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70 i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda

Pouka o pravnom lijeku:

Protiv ove Odluke može se izjaviti žalba Kantonalnoj direkciji za ceste Zeničko-dobojskog kantona u roku od 5 (pet) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Dostavljeno:

1 x Najpovoljniji ponuđač,
1 x Svim ponuđačima za LOT 1
1 x a/a

